



Vita de ploania y de paisc

- **Sontada dal consei d'aministrazion en jöbia, ai 11 de iuli, ales 20:00** te calogna: trá jö le ciac de calogna (damané dla lizonza da fabbriché), situaziun por le müdamont tles ploanies, desvalies
 - **Ofertes** - tal secundo mez ann 2019 **mess gní menades demez** cöstes ofertes:
 - 21.07.** oferta de San Cristofe **17.11.** por la Caritas
 - 08.09.** por l'Istitut Vinzentinum **15.12.** oferta d'Advent por la diozeja
 - 29.09.** por migranc y profugs
 - 20.10.** por les Misciuns
- Dötes les atres romagn ala dljia.**



enformaziuns y termins

Festa dai mituns: la Schira Jonila Val Badia y le Sorvisc ai Jogn envieia düc i mituns ala "Festa dai mituns" en **dedolönesc ai 9 de iuli a San Martin**, Pinis. La festa met man ales 10:00 con la santa messa y dedô sarál jüc con de vigne sort de ciantuns y aorela cörta por düc cina ales 16:30. Le cost é de 13,00 € a möt (marena y partezipaziun a düc i jüc). I se confortun da passé en bel de cun trec mituns. En cajo de bor' tomp gnará la festa desdita.

KVW Senioreclub: en dedemesaledema ai 10 de iuli él endô la griliada dal Senioreclub. An s'encunta ales 12:00 ete dal Lé dai Peiapesc.

Biblioteca: la biblioteca "Angelo Trebo" envieia der bel mituns y mitans en vendres ai 12 de iuli ales 15:00 a en domisdé de stories y pastlené.

Aziun dla biblioteca: isté, vacanzas y... aventöra dla letöra por mitans y mituns dla scora elementara!! Lí almano 3 libri dertan i mensc da d'isté y te podaras tó pert ala festa de conclujiun en sabeda ai 14 de setember te biblioteca.

Ciasa de Palsa: i berbesc y les medes dla Ciasa de Palsa envieia düc a na encuntada en domegna, ai 14 de iuli. Ales 9:30 festejuse deboriada la Ssanta messa tl'entrada dla Ciasa de Palsa y dedô é düc enviés a sté adöm pa n picio renfresch y musiga.

Curs da fá cripeles: le grup dles cripeles da Mantena Todescia/Salaronz organiseia d'otober y november, a Mantena Todescia, en curs da fá cripeles. Chi co ess enteres pó s'anunzié o damané do enformaziuns pa Renato Valle, ☎ 338 7276399 o mené na e-mail info@renato-valle.it dan dai 10 de setember.

Udienza dla defensuria zivica Gabriele Morandell o de söa colaboradessa Verena Crazzolara en vendres ai 12 de iuli, dales 14:30 ales 16:00, te Ciasa de Comun a San Martin. Enformaziuns y prenotaziuns, ☎ 0471 946020.

Dotur: le dotur **Edo Agreiter** lascia alessi che al é demez dai 15 ai 26 de iuli. Al ven sostituí dla doturia Margarete Mahlknecht, ☎ 349 0667034.

Döt le bun a:	Ida Trebo Perpich, <i>Dortmund</i>	* 07.07.1925
	Maria Vittoria Willeit	* 07.07.1937
	Franz Lois Erlacher, <i>Bellamonte</i>	* 09.07.1926
	Anna Ellemunter Erlacher, <i>Bellamonte</i>	* 13.07.1929
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

07.07.2019 - 14. domegna ia por l'ann

n. 32

La parora de Crist abitei danter os con döta söa richeza. Alleluia!

☞ **Is 66, 10–14c | Gal. 6, 14–18 | Lc 10, 1–12, 17–20**

Dal Vangelo do San Lüca:

¹Te chel tomp á le Signur chirí fora setantedui d'atri discepu y i á orcé dui a dui danfora te dötes les ciütés y tai posc olach'al ea por jí. ²Al ti á dit: La racolta é grana, mo al é ma püc lauranc. Periede porchel le patrun dla racolta ch'al menes fora lauranc por söa racolta. ³Jide! I ves ortieii fora desco biesces danter i lus. ⁴Ne tolésse degün tacuin, degüna sportula y degügn cialzá! Ne salüdede degügn sön tru. ⁵Sc'i roeis te na ciasa, spo dijede por pröm: Pêsc a cösta ciasa! ⁶Y sc'al abiteia danló n chescian dla pêsc, spo s'architará la pêsc, ch'i ti aodeis, sön el; sce nia, gnará derevers sön os. ⁷Romagnede te cösta ciasa, mangede y boede ci ch'an ves pita; deache chel co laora, á n dert sön so paiamont. Ne jide nia da na ciasa al'atra! ⁸Sc'i roeis te na ciüté y an ves tol sö, spo mangede ci ch'an ves tenn sö. ⁹Varide i amarés co é danló y dijedi ala jont: Le regn de Dio é dampró.

Oraziun dal de

Periun! Dio misericordius, con l'umiliaziun de to Fi aste endô daidé sö l'umanità tomada y te l'as delibrada dala stlavité dal picé: emplescesse de ligreza por la salveza y condüjesse ala beatitú eterna.

Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.

(Lezionar C)



☞ **Letöres dla 15. domegna ia por l'ann:**

Deut 30, 10–14 | Col. 1, 15–20 | Lc 10, 25–37

Edema liturgica dai 07.07. ai 14.07.2019

DOM 07.	14. domegna ia por l'ann	<i>Willibald, Edelburg</i>
08:30	gran messa por dōta la ploania <i>oferta por i debojūgns dla ploania</i> s.m. de rengraziamont por i 40 agn de matrimone de Heinrich y Zilia Facchini, devoziun a Santa Maria y benedisciun dal tomp	
10 y 18	s.m. a Al Plan	
Lön 08.	<i>Kilian y compagns, Edgar</i>	
07:30	s.m. a Al Plan	
Ded 09.	<i>Augustinus Zhao Rond y compagns, Veronica Giuliani</i>	
07:30	s.m. por † Matthias Ellemunter, Pinter/Sexten s.m. por † Albert Pedevilla, La Munt/Bornech	
Dem 10.	<i>Knud, Erich, Olaf, Engelbert</i>	
18:00	s.m. a Al Plan	
Jöb 11.	festā de San Benedet da Norcia (patron d'Europa), Olga	
19:30	s.m. de rengraziamont en onú de S. Maria y dai Angeli Custodi s.m. por vis y †† dla fam. Heiβ s.m. por vis y †† dla fam. Mairhofer	
Ven 12.	<i>Hermagoras y Fortunatus, Sigisbert</i>	
07:10	s.m. a Al Plan	
16:30 - 18	<i>confesciuns sō Oies</i>	
Sab 13.	<i>Sabeda de Santa Maria Heinrich II. y Cunigunda, Joel, Sara, Arno</i>	
07:30	s.m. d'aniversar por † Pasquale Winkler, Rara s.m. por † Josef Kosta, Framacia	
DOM 14.	15. domegna ia por l'ann	<i>Camillus da Lellis, Ulrich, Roland</i>
08:30	gran messa por dōta la ploania, benedisciun dal tomp <i>oferta por i debojūgns dla ploania</i>	
10 y 18	s.m. a Al Plan	
ampola:	do intenziun	
ministronc:	▶ da doman y domegna: Sabine y Andreas ▶ da sera y domegna: Sonia y Carolina	
i recordun:	Jep Palfrader, Untertilliach + 07.07.2009 Paul Florian Erlacher, Unterwielenbach + 10.07.2010	



I chiriun laoranti, laur sogü! (Lc 10, 1-12, 17-20)

I ponsi do

Le discepl de Gejú é n miscionare co arjigna ca la strada por canche le Signur röa adalerch. Cösc compito é gran y impegnatif: al se damana disponibilité y coraji. Le post de recoüda é le monn entier: atló él tan de porones da amé, da ti insegné le Vangelo y l'oraziun é n gran aiüt por le laur dai miscionari de Gejú.


I preii ensciö

I sun ciamó massa jonn, Signur, por pié ia y meterman da anunzié le Vangelo. Mo i ne sun nia massa jonn por perié, desche tö s'as envié, por che düc chi co ven cherdés a fá cösc laur diji con coraji y ligreza de sciö! I ponsi ai miscionari, ei y eres, co dedicheia sōa vita a te. I ponsi a düc chi co fej de gran fadies y trec sacrificizi por testimoné sōa fede en te. I ponsi y i preii por le Papa, i veschi, düc i prei co á ciafé le compito da baié te to ennom. I ô ince te porté dant na oraziun por düc mi amic y ince por me: fá ch'i sunse düc, te nosc picio monn, testimoni vis dla beleza y dla ligreza da creie en te, nosc miú compagn de vita.

Walter Cazzaniga, Parola amica – Il Vangelo della domenica per ragazzi



„Ite, missa est!“



„Ite, missa est!“

Das heißt mehr als das bekannte „Gehet hin in Frieden!“

Das heißt eigentlich: „Gehet hin, ihr seid gesendet!“ Brecht doch auf – jetzt erfüllt eure Sendung, jetzt lasst die Menschen an euch spüren, wie schön es ist, ein Gotteskind zu sein!“

Der Auftrag, die frohe Botschaft in die Welt zu tragen, ergeht an alle Jünger, an alle wachen Christen.